

十二 七言律
五言絕

十三 七言絕

皇明詩選

十二之十三止

皇明詩選卷之十二



李 雯 舒章氏

松坡圖書館藏

雲間陳子龍臥子氏同撰

宋徵輿 轅文氏

七言律詩三

謝 榛 四見

轅文曰茂秦七言律源干岑嘉州

中秋宴集

滿空華月好登樓坐倚高寒攬翠裘江漢光翻

千里雪。桂花香動。萬山秋。黃龍塞上。征夫淚。丹
鳳城中。少婦愁。詞客共耽。今夜酒。設彈瑤瑟。唱
伊州。

舒章曰燕集詩
最難得此遙慨

登太行山西望有懷蘇舜澤中丞

太行勝絕橫霄漢。有客登臨思不休。鳴度千峯
還北向。河繁三晉竟東流。胡笳遙動黃雲暮。塞
馬長嘶白草秋。慷慨中丞時仗策。漢家天子莫
深憂。

韓文曰中丞工于七言
茂秦此篇亦極作意

寄皇甫百泉僉憲

玄晏何時序有成。兩都曾賦待齊名。病辭楚醴
衡茅掩。春到吳江杜若生。地迴獨兼龍虎勢。臺
空誰繼鳳凰聲。水犀甲士疲征伐。愁鬢知君白
幾莖。

送趙太僕子仲入覲

流風出自趙平原。曾訪叢臺舊迹存。海內交游
同白首。天涯風雪一清樽。幾瞻帝闕馳燕路。千

轉雲山到薊門。春動上林聊寓目。莫將邊事醉
中論。

蝦子

送張給事仲安擢蜀中參政

暫停軒蓋離人醉。忽聽河橋去馬嘶。悵望那堪
春草徧。勞歌不盡夕陽低。天開鳥道三秦外地。
入蠶叢。萬嶺西。抗疏只今憂轉切。幾迴清夢到
金閨。

送郭山人次甫遊秦中

馬上吳歌壯爾行。度關非是棄繻生。黃金騰買
新豐醉。紅樹遙含故國情。地出三峯雄陝服。天
分八水雜秦聲。霸陵縱目多秋興。日夕鵬飛蔓
草平。

舒章曰
高健

初春酬龔憲副性之見寄

昨報襄陽使者過。歸鴻雪後度關河。遙知遊宦
驚時序。不惜緘書到薜蘿。日出漢江春氣遠。雲
連楚樹曉陰多。峴山誰與同臨眺。羊祜碑前一

浩歌

轅文日流
轉生情

過獲鹿投贈耿郎中子

木部多憂身計輕。漢家官闕報初成。河流萬折
來神木。山勢千重拱帝京。獲鹿城高殘雪在。聞
鷄臺迥斷雲橫。五噫歌後應懷古。誰識登臨歲
暮情。

送李給事元樹奉使雲中諸鎮

瑣闌朝下促飛旌。歲暮看君塞上行。戍角動入

多苦調。戎衣走馬半新兵。關開涿鹿雲連樹。路
出蜚狐雪滿城。計日楚才封事上。君王深見九

送謝武選少安犒師固原因還蜀會兄葬

天書早下促星輶。二月關河凍欲消。白首應憐
班定遠。黃金先賜霍嫖姚。秦雲曉度三川水。蜀
道春通萬里橋。一對郾筒腸欲斷。鵲鴒原上草
蕭蕭。

舒章曰結敘二事
輕重有體有情

送何進士振卿謫樂平少尹

都亭同醉采芳菲。別後關山夢不違。平野北看
燕樹斷。大江西去楚帆飛。百花洲上還聞鴈。五
老峯頭獨振衣。勝地豈留何遜賦。春風應見賈
生歸。

臥子曰跌

蕩流美

韓文曰亦

本嘉州

宿榆林驛

寒夜榆林門獨開。愁看霜露滿蒼苔。驛燈孤照

征人夢邊月。高懸落鴈哀。胡虜幾窺青海戍。烽
煙又上白登臺。當年李廣空遺恨。蕭颯天風正
北來。

舒章曰
結悲勁

送王侍御子梁按河南

塞上初歸復此行。燕南極目送飛旌。天連嵩嶽
寒雲盡。馬度黃河春草生。簪筆常思未央殿。封
章時發大梁城。知君最愛應劉賦。更向西園一
寄聲。

臥子曰得
嘉州筆法

送烏鼠山人胡世甫西歸

愁中忽過薊門春，歸騎蕭條復向秦。
白首平生逢聖主，青山何意見騷人。
隴雲朝度鄉關近，渭水晴分草樹新。
自是揚雄多著述，百年寧負舊綸巾。

韓文曰胡公以詩賈難得此作差足快心

送王監察斯進還內臺

太行形勝帶桑乾，驄馬行嘶曉日寒。
道德上追

周任史，河山北拱漢長安。
不離當代頻封事，方起先朝幾諫官。
御苑好花春作主，風光寧復舊時看。

寄王龍坡員外兼呈乃弟西堂少卿

憶昔論交梁苑秋，晉陽春雪慰淹留。
白衣閱世吾多感，黑髮為郎爾壯遊。
闔闔南開今漢闕，河山北控古燕州。
遙知伯仲相逢處，為說窮途阮籍愁。

臥子曰茂秦搖落之士其言爾爾

送客遊洞庭湖

相逢楚客問巴州。此去揚帆湖上遊。天漢長連
洞庭水。雲霞半入岳陽樓。低空白鴈投寒渚。隔
浦丹楓照暮秋。莫向湘君聽鼓瑟。黃陵月冷不
勝愁。

韓文曰蕭瑟

嵒嶸

夜集吳比部鳴仲宅賦得秋月

庭草驚秋白露垂。赤輪漸覺度河遲。光臨鳳闕
清鐘斷。寒入龍庭畫角悲。天際幾看鴻鴈影。山

中又老桂花枝。共知庾亮南樓夜。曾為勳名感
鬢絲。

韓文曰情

景清切

登五臺山有感

樹杪躋攀石磴懸。手扶藜杖出風煙。東分遼海
千重嶺。北盡胡沙萬里天。秋草征夫烽堠外。夕
陽歸鳥戍樓邊。時看白骨成悲感。為憶嫖姚戰
伐年。

楊參軍次和歸自古北口

淮南高士落人間，仗劍經秋未破顏。自惜草玄淹歲月，可堪垂白向邊關。天橫落照明孤壘，地擁寒沙接亂山。長路誰能問行役，夜來驅馬雪中還。

韓文曰：邊塞詩極有套語如此方是沉着。

送毛明府伯祥之羊城

君吟初捧郎官檄，此去羊城道路賒。海上有雲連蜃氣，嶺南無雪到梅花。行春策馬青山近，退食鳴琴白日斜。回首風塵迷北望，幾逢燕使問京華。

京華

送沈郎中宗周出守順慶

明星當戶動征鞍，此去春光道路看。巴字地形天外轉，嘉陵江色郡中寒。二秋戰伐掄牙急，四海誅求出牧難。沈約未須裁八詠，倚樓時復望長安。

臥子曰：工穩。

皇甫水部道隆謫大梁詩以寄懷

聞君遙自楚天來，一到梁園見賦才。搖落舊曾

悲屈宋寂寥今復弔。鄒枚黃河蕩日寒聲轉。嵩嶽連空遠色開。何事弟兄俱謫宦。西風愁對菊花杯。

徐中行 四見

答孫侍御秦中見懷之作

千里緘書報漢曹。新傳使節在臨洮。西通大宛飛黃入。北上蕭關太白高。沙苑春深饒苜蓿。栢臺秋晚醉葡萄。誰知侍從回中後。更有詞臣賦綵毫。

舒章曰此必是茶馬御史故景物如此

寄贈李于鱗督學關中時余使吳

攬轡當年出漢庭。解頤匡鼎此傳經。崑崙水落三千秦黑。仙掌雲開一十華。青揮翰柏梁驚異代。燃藜天祿走羣靈。更聞牛女昆池裏。幾向秋風問使星。

舒章曰詩限于題及格而已然亦自成章
韓文曰黑字殊累
自而無以易之

玉女潭

仙臺千尺玉爲容。寒照瓊樓十二重。石鏡月華流桂樹。錦屏秋色散芙蓉。碧簫縹緲春雲度。絳雪威蕤白日逢。更喜洗頭盆尚在。便應晞髮臥高峯。

臥子曰瓊樓百丈峨峨雲表允稱是題

轉文曰琅琅可貴

舒章曰有高致

寄答廣陵歐文學楨伯

蕪城客夢滿江臯。千里懷人尺素勞。篋裡夜光

南海月。賦中秋色廣陵濤。談天寧復如燕市。翫世何妨似馬曹。念爾最憐中散調。知音寥落好誰操。

黃鶴樓新成

飛觀新從鄂渚開。高標仍得竝蘭臺。白雲忽自三湘起。黃鶴依然萬里回。不斷雄風催作賦。長留明月照銜杯。芳洲春草年年綠。千古何人解

愛才

舒章曰結語屬事渾然

曉登玄嶽天柱峯一首

帝居天柱五雲重。朝罷風清萬壑鐘。山擁百城
巢翡翠。殿開千障。挿芙蓉。階前霧結黃金閣。檻
外星懸玉女峯。總道登封天子意。每從雷雨見
飛龍。

韓文曰玉真步

虎聲出天際

大中丞汪玉卿自鄖臺移鎮武昌寄贈

鈞天一震洞庭陰。虎觀崢嶸白雪林。雲夢火明
秋較獵。蘭臺風起晝披襟。浮湘司馬才名大。開

府羊公惠愛深。獨有夜郎羈客在。武溪煙雨自

悲吟

送駱給事購書還越

投荒暫向玉關迴。惜別重登萬里臺。禹穴好探
金簡去。滇池寧爲碧雞來。盤江朔月千山出。衡
嶽浮雲一日開。漢室祗今饒雨露。長沙况是賈
生才。

韓文曰亦

僅及格

登岱

東嶽崢嶸迴不羣。中峯瑞靄更氤氲。天門雪盡
河流合。日觀春晴海色分。風起秦松常似雨。氣
蒸漢簡欲成雲。千秋往事終銷歇。猶說相如封
禪文。

舒章日登岱詩易得渾壯
難見精爽此作獨能秀出

紫雲館爲史元乘題

先皇宸翰表清都。潭上仙人跡有無。自向煙霞
探玉笈。何如仕宦執金吾。赤城天外開雙闕。匹
練窻前挂五湖。從此東南來紫氣。居然鍾阜接

邊壺

明卿入梁奉寄灌甫宗正

當年解印去中原。南徙偏銷萬里魂。豈爲蒲桃
充使者。翻緣叢桂憶王孫。客來菟苑題新賦。士
向夷門感舊恩。鄴下故人星散盡。好從季重一
開尊。

臥子日言
情溫茂

吳國倫 六見

韓文曰明卿七言律不
能如五言然亦及格

登黃鶴樓

黃鶴仙人去不回。漢濱樓閣迥崔嵬。千帆雨色當窗過。萬里江聲動地來。雲夢天低湘女怨。洞庭葉下楚臣哀。當時玉笛今寥落。獨有梅花泛客杯。

歌風臺

何年衣錦帝鄉回。父老猶傳故漢臺。寶劍獨留千古色。赤符曾擁萬靈來。沛宮卮酒歡相屬。芒碭星辰黯不開。欲問楚歌誰更聽。大風蕭瑟

使入哀

轅文曰
結老

答宗子相見訊

去國西從五老游。看雲日日醉江州。微名不忝稱三黜。短髮何堪任百憂。旅夢月寒宣室夜。歸期木落洞庭秋。知君萬里能憐我。白鴈來時淚未收。

舒章曰
悲
情深穩

滹沱河

聖山詩選 卷之十二
溇沱之水。鴈門來直入。平原遶漢臺。萬馬乘流
奔赴海。千鯨觸石鬪。鳴雷秦兵北。戍投鞭渡楚
客南浮。擊楫回。麥飯亭前沙草合。翠華不見使
人哀。

舒章日起
手高渾

登岳陽樓

高閣層城四望開。洞庭秋色正徘徊。湖吞九水
浮天闊。地擁三巴入鏡來。赤甲雲生神女過。黃
陵日落帝妃哀。尋源不必乘槎去。直取君山作

渡盃。

轅文曰赤甲一
聯說景新美

過鄴弔謝茂秦山人

幾渡漳河不見君。半生消息旅中聞。談詩夢老
燕山月。鼓鉞歌寒鴈塞雲。四壁琴書留慘澹。諸
王恩禮罷殷勤。誰移一片韓陵石。爲汝重題處
士墳。

將至武昌王若思使君遣人以詩相迎率
爾奉答

短棹飄飄入武昌。山川今古鬱蒼蒼。使君擬下南州榻。野客貪趨北海觴。治郡清風開二鄂。登樓高詠寫三湘。翻慚病筆題鸚鵡。不及當年處士狂。

佩子日使
事親切

大司馬方公宅留飲道故

江上新營司馬里。舍旁小築紫薇亭。可知地主逃人世。不遣臺官問客星。花石數行雲錦麗。莓苔四壁雨痕青。相看白髮垂垂短。欲解扁舟且

不傳

宗臣 四見

送熊守之太倉因便省覲

美爾新分刺史符。南方千騎亂平蕪。瀟湘天濶春歸楚。震澤風高曉入吳。父老幾年憂戰伐。使君到日問樵蘇。薊門舊侶能相憶。八月雙鴻起太湖。

轅文日逸
氣霞舉

春興

遙傳塞上又徵兵使者飛書入漢京邊馬不歸
青海戍朔雲常斷玉關纓七陵松檜今開府三
輔河山夜勒營自是羣公能策虜即看赤羽莫
深驚

寄章日時
事婉切

送人南歸

楚天搖落欲何之把酒青門泪並垂漢署昔題
金馬賦淮南秋問桂花枝還家客夢寒蟬急去
國君恩白髮遲歲晚衣裳仍好製扁舟隨處有

江籬

韓文曰氣力少
薄調頗清繁

長安行寄人

長安客子傷春情出門愁聽朝啼鶯關山作客
胡不去梅柳向人春又生胡馬至今日夜急塞
鴻何事東南征人生去在不得意愧爾山中餐

石英

臥子曰有亂
頭麤服之致

梁有譽三見

秋月謁陵眺望

清秋霜露肅祠官，帝里山川此鬱盤。
上谷風塵通大漠，居庸紫翠落層巒。
七陵松掩金鋪暝，萬壑鐘流玉殿寒。
香露濛濛候靈蹕，星辰還仰太微看。

舒章曰秀而能沉

燕京感懷

塵塞戈鋌血未乾，龍廷烽火報長安。
擬擒可汗先開幕，欲拜嫫姚更築壇。
青海月明胡馬動，黃榆風急皂鵬寒。
材官羽騎多如雨，夜夜旄頭倚劍看。

舒章曰傷時蘊藉

送羅山甫還潤州

羅合長嘯出燕都，負笈空藏五嶽圖。
搔首風塵悲燕雀，浪遊詩卷滿江湖。
人憐玉樹秋雲遠，家對金陵海月孤。
為問戴顓棲隱處，煙霞還似昔年無。

轅文曰秀而不弱

送陳山人自真州還越中

客子將歸夢若耶。煙波深處隱淪家。相逢一滯
淮南桂。別後應迷洞口花。瀑布晴搖青嶂雨。飛
梁朝映赤城霞。越中山水多佳麗。莫歎漁樵老
歲華。

劉鳳 四見

京洛行

宅中形勢澗瀍深。作洛千年王氣沉。關控河流
當地軸。岳分嵩少壓天心。西來驛路連雍時。北

枕秦城接華陰。禹跡茫茫敷九土。獨令磐石誦
虞箴。

轅文曰全首典
重第四句稍俗

朱日藩

字子价。寶應人。嘉靖甲辰進士。官至九江太守。

清明揚州道憶王端公

江花江草淨春烟。北望空懷乘興船。水國人家
種楊柳。清明士女競鞦韆。客廚未乞龍蛇火。旅
食頻催犬馬年。遙想風流王柱史。西臺銀燭柘
枝前。

臥子曰跌宕便
辟未損風雅

舒章曰水國二語盛唐
人所不道以新切存之

張佳胤 再見

赴鴈門聞虜退去呈楊中丞

驅車九月度飛狐。萬里霜淒塞草枯。白馬偶來
逢使者。黃沙何處走單于。胡雲夜動雙龍匣。漢
日秋懸八陣圖。一自鴈門留李牧。邊關烽火至今無。

臥子曰調
頗峻爽

寄助甫

尺素因君寄洞庭。相思平楚氣冥冥。浮雲只在
仙人閣。明月常依帝子靈。水落風侵斑竹冷。歌
殘秋並暮峯青。從來作賦湘潭者。不但於今忌
獨醒。

舒章曰結
有雅裁

汪道昆

字伯玉歙縣人嘉靖丁未進
士隆慶中累官兵部左侍郎

舒章曰汪司馬詩如薪芻滿
地英楚甚寡此詩獨見風裁

仲房赴戚將軍約自塞上還新安賦贈

少年俠氣喜談兵。垂老猶堪塞上行。何處射鵰誇羽獵。他時飲馬出長城。關河地險中原斷。不斗天高太白明。見說降王重納款。請纓無用一書生。

臥子曰少保在薊門以匹馬不入爲功此詩極爲實錄

高岱

再見

中秋集張子畏宅

風吹明月散千家。漢闕金莖綴露華。砧杵秋聲連鴈塞。關山夜色滿龍沙。元規興劇南樓宴。博望名懸北斗槎。白髮高堂今夕夢。應憐遊子滯天涯。

秋夜送梁舍人奉使便道歸嶺南

沈沈宮漏夜霏微。風灑離愁動客衣。仙掌乍分秋色去。征帆遙帶月明歸。路經庾嶺梅花發。天入衡陽雁影稀。尊酒薊門須盡醉。明朝空惜故人違。

韓文曰

清轉

王寵 再見

南都

錦纜牙檣萬里游。天吳海若翼王舟。襄城七聖空迷轍。弱水三山未穩流。塞北風雲連朔漠。周南節鉞自公侯。兩京角立分形勢。居重還須扼九州。

韓文曰此必武廟南幸時作也

魏學禮 再見

贈黎仲子

何人結客少年場。芳草長亭正夕陽。忽見雙魚

來萬里。始知尺素下三湘。布衣然諾輕朱建。冠

蓋縱橫憶鄭莊。郢曲自來多白雪。遲君早晚賦

長楊。

舒章曰亦復流宕

劉景韶 字子成崇陽人嘉靖中進士官至都御史

九日同劉將軍迷閣登高

蓬萊閣上劍歌豪。縱酒聊舒百戰勞。漠北關河

歸。鴈斷塞南銅柱拂雲高。尊前霜菊浮隋苑。亂

後秋砧雜海濤。却笑牛山空墮淚。風塵天地屬

吾曹

舒章曰亦是正調

朱

笈

字龍岡桃源人嘉靖丁未進士累官南京戶部侍郎

贈雷總戎

關西年少擁高牙。長白轅門靜塞笳。旗獵風雲屯虎豹。營連星斗抱龍蛇。黑山近徙王庭幕。青海遙通漢使槎。帶礪風盟元不負。憑將雙劍問張華。

王世懋

字敬美嘉靖己未進士曆初累官南京太常寺卿

舒章曰奉常詩如鳥衣羣少粗有風格不足對揚父兄

送元甫李太史冊封

蜀藩

玉檢金泥出大庭。雙旌萬里去冥冥。漢宮朝罷仙人露。益部宵占使者星。巫峽雲中流濯錦。峩嵒天半落空青。先驅恥作臨邛客。橐筆重題劔閣銘。

轅文曰五

六明齋

魏

裳

字順甫蒲圻人嘉靖中進士

萬章甫兵憲滇南

仙郎擁傳出燕關。開府西南控百蠻。萬里煙濤青雀舫。千秋詞賦碧鷄山。主恩題柱雲霄上。時難論兵天地間。春到昆明懷漢苑。幾回鳴玉共朝班。

韓文曰順甫亦得七子聲調

黎民表

再見

送李伯承還山

黃塵拂衣歸去來。酣歌擊筑相徘徊。青山似惜敬亭別。明月况有金陵杯。烟中柳條折欲盡。池上浮萍吹復開。楚江渺然掛席去。知爾萬里遊蓬萊。

韓文曰此體集中所不優以其法緊收之

歐大任

再見

再上昭陵

幾年裘褐客秦京。兩度朝陵使者行。隧道松楸春更長。闕宮燈燭夜偏明。戟郎久已容方朔。園令何妨老馬卿。咫尺蒼梧雲不隔。追趨惟有淚沾纓。

臥子曰上陵詩幽而不詭秀而不寒所引方朔馬卿皆協情事

登宣武門樓

百一山河控上游。鬱蔥佳氣滿皇州。風驅大漠浮雲出。天轉滹沱落日流。雙闕金莖連紫極。萬家紅樹動高秋。茱萸黃菊俱堪佩。獨上城南百尺樓。

舒章曰聲

氣壯逸

送龔侍御進甫按關中

繡斧曾看渡海行。璽書今捧向秦京。臨關青

燧諸羌遠。登閣黃雲五時平。百二封疆多井牧。三千冠蓋盡干城。朔方正借臺中畫。從此河湟不用兵。

轅文曰三四語賦

景雄新亦復確合

胡應麟 三見

艾都闌見過不值

飛花長日掩柴關。少隊俄來曲巷間。上客已驚題鳳去。元戎誰共射鵬還。青天畫甲嚴城迥。明月牙旗大海閒。聞道漠南諸將在。幾人名姓動

陰山

送人入蜀

離思翩翩把濁醪。錦城西去不辭勞。星辰夜拂
張華劍。風雨寒生范叔袍。三峽啼猿青嶂遠。九
疑迴鴈碧天高。荆門岐路能相憶。目送潯陽入
月濤。

韓文曰五六華爽可愛結用薛濤鄰甚余為易之遂成章

送徐明府之瓊州

春花繚繞鳳凰樓。襍被憐君賦遠遊。風俗自分

天外郡。山川愁問海南舟。珠崖雲氣經秋斷。瓊

島波光入夜浮。惆悵一尊芳草畔。不堪離恨對

吳鉤

臥子曰清立不泛

莫雲卿

字秋水華亭人隆慶時貢士有才名天卒

得茂儉書及所著離思賦。悵然有作

綠鬢傷春臥。薜蘿青山起色近。如何慣看交態

尊前好。較是君情別後多。明月自裁希逸賦。片

雲閒伴。莫愁歌家人。倘問風塵色。慷慨中原但

枕戈

李化龍

字于田長垣人萬曆甲戌進士累官兵部尚書有功名

臥子曰司馬功名之士詩亦清脫可誦

送張郎中出守淮安

雪滿江天送客舟。淮陽竹馬待君侯。十年畫省推高第。千里專城擁上游。帆掛廣陵明月夜。濤迴桐柏白雲秋。漢庭長孺誰堪比。臥治應分聖主憂。

中秋曾計部過飲江署

青楓白露暑初收。握手相看杜若洲。湖海交遊今對月。天涯羈旅况逢秋。山連蜀道千峯出水。下吳閩匹練浮。江畔無煩頻送酒。西風漸引故人舟。

寄章曰二十詩雅步從容清而不佻

張之象

字玉屋華亭人萬曆時隱士

贈盧次榘

十載圍牆白髮生。壯心憐汝最難平。左驂猶有胥靡賸。鼓吏終成處士名。秋夜九臯聞唳鶴。春

皇明詩選 卷之十二
風谷口見流鶯相逢感慨堪垂淚不獨離羣繫
遠情

臥子曰二十四
用事切當

陳一元 字泰始三山人
萬曆中進士

送謝寤雲元戌移鎮粵東

喜從文酒接清歡歲序崢嶸惜別難雄畧百蠻
開幕府美名六代重詞壇戟門月照牙旗肅甲
帳風傳畫角寒予亦遠行將就道相思紅日近
長安

韓文曰氣
象整渾

董其昌 再見

送喬裕吾黃門

夕郎何事厭承明結束征衣節候更汲孺在庭
推直道虞卿捐印見交情關山歲晏黃河滿邊
塞春深白草生總是離愁心折處壯君駿馬太
縱橫

臥子曰使

事亦切

舒章曰清秋白
鷺濯影波中

屠隆 字，締真寧，波人萬曆中進士官至戶部主事

舒章曰締真詩如新安江石子班爛溪澗間置之几案輒點然無色此詩是其

有章度者

臥子曰緯真詩如衝煩驛舍陳列壺觴頃刻辦就而少甚下箸

傳侍御自海上戍所召還臺中賦贈

淒涼銅雀墓門空浩蕩金鷄絕塞通憲府已多

新白簡都人猶識舊青驄五更風露朝鐘外雙

闕星河殿影中萬里脫衣旋草疏清霜曛日照

孤忠

韓文曰締真有初唐意

王氏 楊川脩夫人

寄夫

鴈飛曾不到衡陽錦字何由寄永昌三春花柳

妾薄命六詔風烟君斷腸日歸日歸愁日暮其

雨其雨怨朝暘相聞空有刀環約何日金雞下

夜郎

臥子曰其調雖別自是成篇

寄章曰結甚質直

許景樊

朝鮮女子

臥子曰許氏學李賀而合作有盛唐之風外夷女子能爾可見本朝文教之遠
轅文曰國朝詩收閨秀四人而朝鮮居其二
舒章曰景樊詩如朱樓春草煙雨迷離

次伯氏望高臺

層臺一柱壓嗟我西北浮雲接塞多鐵峽霸圖
籠已去穆陵秋色鴈初過山迴大陸吞三郡水
割平原納九河萬里登臨日將暮醉憑青嶂獨
悲歌

舒章曰頗

似七子

李

英

字少芝南海歐訓導之僕以詩自見

同李時芳游大慧寺

幽期出郭俯蘭皋野寺雲邊共法曹白日西飛
秦樹杳。清秋南望楚天高。書遙故國愁烽火客
久中原有佩刀。莫動鄉心且沉醉。風流誰道五
陵豪。

轅文曰李生詩清勁可誦能宗其主人

五言絕句

劉基 四見

玉階怨

長門燈下淚。滴作玉階苔。年年傍春雨。一上苑牆來。

劉球

字求永。安福人。承樂中進士。正統時官翰林侍講。以劾王振。死於獄。景泰初。贈學士。謚忠愍。

山居

水抱孤村遠。山通一徑斜。不知深樹裏。還在幾人家。

王恭

字安仲。新寧人。永樂中為樵夫。以薦授文淵閣中書。

秋獵

獵馬向風飛。珣弓白錦衣。平明射鵬去。日暮五陵歸。

韓文曰

取其合

張寧

字靖之。海鹽人。景泰中進士。授給事中。出為汀州守。

莫愁樂

金雀玉搔頭。生來喚莫愁。自從懽去後。不出石城遊。

舒章曰簡
深有古意

史鑑字明古吳江人
天順時隱士

懊惱曲

行路莫行遠看花莫看遲花遲少顏色路遠長

別離

轅文曰有
樂府意

舒章曰以達人
意作兒女詞

李夢陽七見

楊白花

寧唱采菱曲休歌楊白花菱生猶有蒂花去落

誰家

轅文曰是
樂府語

曉鶯

現曉夢中迷流鶯碧樹西起來紅日照已度別

枝啼

臥子曰果
為合作

舒章曰此老亦
解作閨中語

徐禎卿七見

答獻吉

花發平章宅，鶯啼省樹春。殷勤花鳥意，愁殺獨游人。

臥子曰

初唐

邊

貢 四見

贈別甯子

白日就長道，清秋凌大河。非關燕趙別，相送一悲歌。

熊

卓

字士選，弘治丙辰進士，官御史。

送客城南

楊柳河橋館，春風倒玉壺。離情不可道，江路滿蘼蕪。

轅文曰：士選以詩交于空，同而輕率，殊甚。收五言絕一章，取其健逸。

巖

嵩

三見

西苑曉行

雲護蒼龍闕，波明白玉橋。春光在何許，渠柳變青條。

轅文曰

似崔湜

高叔嗣

四見

淇上

旅館值芳辰，留連淇水濱。猶憐官道柳，滿目故鄉春。

王省曾 三見

江南曲

旖旎綠楊樓，儂傍秦淮住。朝朝見潮生，暮暮見潮去。

弘子日境
淺意深

蔡汝楠

字子木，德清人。嘉靖壬辰進士。官至南京工部尚書。所著有中臺集、樞筦集、南省集。

遷居簡友人

岡南開館舍，湖上閱風花。不用山陰棹，東隣是戴家。

李攀龍

七見

寄登宗秀才茂登池亭

窓中采蓮舟，落日菱歌起。坐見浣沙人，紅顏照秋水。

臥子曰秀
前生動

王世貞 七見

蚤發鉅鹿道中

驅車漳水外，十里及鳴雞。殘月低軍壘，青天散

馬蹄

謝

榛 五見

別張志虞

十年今一見。話舊却成悲。共醉新豐酒。天涯又
別離。

臥子曰
成章

大梁懷古

策馬夷門道。高城帶暮雲。至今豪俠士。猶說信
陵君。

轅文曰
古法

秋閨

目極江天遠。秋霜下白蘋。可憐南去鴈。不為倚

樓人

宗

臣

五見

題畫

山徑度青波。石門遲白日。客到不披衣。春風理
瑤瑟。

倚章曰其
境可懷

聞鴈憶子培弟

秋雨千峯散。寒雲萬里開。不知天際鴈。幾日故
園來。

宋儀望 字望之。永豐人。嘉靖丁未進士。累官大理寺卿。

平陸道中

古路空山裏。深盤鳥道還。却憐車馬迹。來度晉

陽關

周紹元 字希安。華亭人。萬曆時隱士。

題荆蠻民畫 荆蠻民即宋懋晉

峩峩峯峯萬丈雲。樹出天關落日橫。千里蒼茫對

雪山

同郡夏完淳存古氏較

皇明詩選卷之十二 終

皇明詩選卷之十三

李雯舒章氏

雲間陳子龍臥子氏同撰

宋徵輿轅文氏

七言絕句一

高啓五見

轅文曰于鱗詩刪收季迪絕句甚多俱是中晚色相語耳故余輩盡汰之

京州詞

關外垂楊早換秋。行人落日旆悠悠。隴山高處

皇明詩選 卷之十三
愁西望。只有黃河入漢流。

韓文曰。用意能
渾。唐人佳處。

張羽 再見

燕山春暮

金水橋邊蜀鳥啼。玉泉山下柳花飛。江南江北
三千里。愁絕春歸客未歸。

韓文曰。中晚佳境
在絕句中。不可廢。

袁凱 四見

聞笛

花發吳松江上村。隔花吹笛正黃昏。天邊楊柳
今無數。短葉長條非故園。

舒章曰。本是律詩。因中四句
散弱。刪作絕句。似更成章。

題蘇李泣別圖

上林木落鴈南飛。萬里蕭條使節歸。猶有交情
兩行泪。西風吹上漢臣衣。

臥子曰。不
減李益。

淮西夜坐

蕭蕭風雨滿關河。酒盡西樓聽鴈過。莫怪行人

頭白盡異鄉秋色不勝多

淮東逢張十二信

少年追逐共西東吳邁文章馬亮弓一自干戈

零落盡白頭淮海獨相逢

舒章曰似子美存沒日號

王蒙 字叔明湖州人元季名士洪武初隱黃鶴山一作王旬字子宣

宮詞

南風吹斷采蓮歌夜雨新添太液波水殿雲房

三十六不知何處月明多 仁和俞友仁見此詩以為盛唐佳作遂以

臥子曰亦杜牧李益耳何遽盛唐然景調俱佳

董良史 洪武時人

江行

江水悠悠江路長孤鴻啼月有微霜十年蹤跡

渾無定莫更逢人問故鄉

韓文曰高岑

解縉 再見

寄黃玄齋

來時蕭峽駐輕舟。惆悵初年作遠游。夢裡相思不相見。武功山下月輪秋。

舒章曰。此詩亦不失盛唐格調。

趙 玗 字雲翰。祥符人。永樂時官刑部尚書。

成南書事

三年為客寄龍沙。望斷南天不見家。惟有受降城外月。照人清淚落胡笳。

臥子曰。頗有嘉州之風。

王 恭 再見

步虛詞

綠章封事奏瑤京。侍女如花弄玉笙。夜半朝回人上鶴。九天環珮月中明。

轅文曰。是步虛詞。

郭 登 字元登。濠州人。武定侯英之孫。永樂中官都指揮。景泰中以功封定襄伯。

天順初。奪爵。遣戍。成化初。復爵。卒。贈侯。謚忠武。

甘州

甘州城西河水流。甘州城北胡雲愁。玉關人老貂裘敝。苦憶平生馬少游。

韓文曰真意氣語
從搖落中見之

李夢陽

八見

臥子曰獻吉七言絕原於
太白微覺過壯逸致少減
韓文曰獻吉七言絕擬少陵者甚多
以不成章盡刪去今存者乃可觀

正德元年郊祀歌

壇官秉笏候金鐘。日出西南照雪峯。不向蓬萊

看五色。那知天子是真龍。

聖節聞駕出塞

千官北首望龍旂。萬國車書集鳳闈。八駿穆王

秋色遠。幾時親擁白狼歸。

舒章曰有
祁邪之風
韓文曰景
色天然

送周判官

明燈綠酒五花裘。客舍新秋螢火流。問君不飲

真何事。明日出城風葉愁。

舒章曰
真老

夏口夜泊別友人

黃鶴樓前日欲低。漢陽城樹亂烏啼。孤舟夜泊

東遊客恨殺長江不向西。

別李生

華也南來送我行。青絲挈酒玉壺輕。滕王閣下江千尺。一曲滄浪萬古情。

或子曰似汪倫之作而意別

贈陳氏

萬龍岡上古農家。男樂耕耘女績麻。客到門開萱草閣。春風時動紫荊花。

韓文曰田家詩喜無犁犢氣

送王韜

王郎口談金虎文。自稱師是紫陽君。挂帆明月忽南去。影落龍江五色雲。

雲中曲

黑帽健兒黃貉裘。匹馬追胡紫塞頭。相逢不肯通名姓。但稱家住古雲洲。

其二

白登山寒低朔雲。野馬黃羊各一羣。冒頓曾圍漢天子。胡兒惟說李將軍。

送人之南郡

鼓力朱亥本微寒。白首侯嬴是抱關。不為千金
增意氣。祇緣一諾重丘山。

舒章曰
古村

春遊曲

大道紅樓珠箔垂。風起楊花欲暮時。胡姬半醉
半遮面。惱殺幽州遊冶兒。

臥子曰
自佳

絕句

將軍鐵騎戰金微。八月長安盡搗衣。砧聲欲落
三更月。翡翠樓頭鴈却飛。

韓文曰直造
江寧佳處

汴中元夕

中山孺子倚新妝。鄭女燕姬獨擅場。齊唱憲王
春樂府。金梁橋外月如霜。

臥子曰汴城風月遂不
可問讀此作轉覺凄然

登嘯臺

白右紅雲拂地流。醉鄉吾亦步兵遊。登臺左盼

皇明詩選 卷之十三
黃河轉綠水。洪波不盡愁。

歸途覽詠古蹟并追記百泉遊事

河濟誰言不共流。青春惡浪古懷州。蕩搖少室三花樹。倒映天壇白石樓。

轅文

日壯

寄章日第二

句粗語能秀

何景明 七見

秋日

寒螿啼斷槿園空。萬樹凋傷入月中。只有南山

蒼桂在一株。花發向秋風。

臥子

日雅

鷄鳴曲

青樓遙臨大道衢。美人鷄鳴著繡襦。誰家公子

過樓下。那不繫爾千金駒。

寄章日俶

仇見態

吾郡古要害地也。閑居興懷追詠古跡。

南山西嶺自天來。翠壁丹崖映日開。不見當時臥龍者。只今惟有釣魚臺。

別相餞諸友

雙井山邊送客時。滿林風雪倍相思。西行萬里
遙回首。太華終南落日遲。

奇章曰未句言景而情在其中大是妙境

韓文曰不經離別者不知

諸將入朝歌

大將龍旗朝帝京。至尊親遣貴臣迎。侍中
獨領嫖姚部。戰馬皆歸龍虎營。

其二

闕下千官侍鳳樓。苑中天子建龍旂。豹房虎
圈先班賞。武帳前邊賜姓侯。

韓文曰此謂江彬錢寧等也

送韓汝慶還關中

華岳雲臺萬里情。高秋落日眺秦城。黃河一線
通滄海。身在仙人掌上行。

臥子曰青蓮佳境

燕京十六夜

萬歲山頭鎖玉樓。十王館中人不遊。中宵金鼓

雲間動翠輦龍衣過五侯中人亦遊中宮金蓮

舒章曰直敘中已具諷刺

寄少谷山人

武夷九曲上仙庭錦疊青天萬仞屏下望神人

釣鰲石北風吹霧海冥冥

其二

台嶽中峯綠霧生石梁遙挂赤霞城仙潭尺素

傳雲鯉報爾今尋華頂行

宮詞

碧草萋萋生御溝垂楊嫋嫋夾朱樓窓臨北斗

空中起水接銀河天上流

寶鷄縣

鷄鳴山下古陳倉板屋千家清渭傍曲岸迢迢

凌秀麥流渠宛轉入垂楊

轅文曰風景宛然

終南篇

離宮別館舊京華表裏關河屬漢家二閣天圍

青錦障五臺雲湧石蓮花

臥子日
奇麗

徐禎卿 八見

臥子日昌穀七言
絕可與江寧並駕

從軍行

青天磧路挂金微。明月洮河樹影稀。胡鴈哀鳴飛不度。黃雲戍卒幾時歸。

轅文曰清迥之作難其渾雅

長安曲

五筓瑤臺接紫微。長安甲第有光輝。夜夜錦燈車馬散。平陽歌舞月中歸。

舒章曰自是豪貴

燕京春望

天柳垂絲拂建章。銀冰千片落金塘。烟花萬國行人度。遙指蓬萊春日光。

擬古宮詞

興慶池頭滿未闌。梨園弟子曲將殘。花前更進涼州伎。無那西宮月色寒。

轅文曰深秀之極令人咏嘆不已

送蕭少府

矯矯雙鳧塞隴分。盡夷殘雪半春雲。玉洞只愁仙隱去。洛陽花下不逢君。

舒章曰玉骨嶙峋

送顧馬湖孔昭

巴東明月巴西歌。兩岸梅花羌笛多。一曲停橈雙淚落。猿聲三峽若爲過。

安南歌送沈使君

烏蠻灘上煙水聲。伏波廟前秋月明。夜半津人挽舟上。夷歌偏動望鄉情。

臥子曰
渾成

送蕭若愚

送君南下巴渝深。予亦迢迢湘水心。前路不知何地別。千山萬壑暮猿吟。

轅文曰在江寧太白間

送方山人

巖子灘頭花落時。水清雲碧淨漣漪。孤舟相逐飛花去。一日看山到盡夷。

舒章曰逸致翩翩

邊 貢 五見

迎鑾曲

潮落江門煙水秋。雲帆八月過揚州。兩京馳道
三千里。夾岸垂楊接御溝。

秋日過西內團殿

御溝東畔古松盤。曾得先皇倚笑看。龍馭不歸
馬吹杏石廊。圓殿鎮秋寒。

韓文曰調是中
晚而情景道上

草場

牧馬場邊苜蓿香。回龍宮外樹蒼蒼。當年駿骨
今何處。曾被金鞍侍武皇。

臥子曰結
得有情

康 海 字德滿弘治壬戌賜進士第
一官終修撰所著有對山集

韓文曰對山工
于文而拙于詩

醉別廷搢

君去巴渝春正深。西堂尊酒且論心。無端徹夜
關山月。又送征車過漢岑。

馱子曰德涵祖率殊無足觀此首稍可誦存之

鄭善夫 三見

權歌

青螺江頭遊子吟。黃金臺上秋雲深。風塵一別一萬里。美人駕車傷我心。

薛蕙 四見

皇帝行幸南京歌

翩翩翠蓋覆鳴鑿。詔許都人夾道看。樂府盡歌楊柳曲。後車多着鷓鴣冠。

其二

燕姬玉袖抱箜篌。馬上長隨翠輦游。春來照影秦淮水。愛殺江南雲母舟。

韓文日二十詩 鋪敘成章

塞下曲

陰山縛盡大羊羣。萬里胡天散陣雲。塞外降王三十部。來朝盡隸霍將軍。

蔣山卿 再見

出塞曲

單于秋色自堪哀。霜滿天山黃葉摧。落日懸軍度沙漠。邊頭惟見鴈飛回。

轅文曰亦渾

陳沂 再見

大駕西狩還京。百官出候於德勝門。

十二坊門結綺臺。誼呼萬姓喜歸來。三時城闕

無鐘鼓。宣室承明次第開。

南巡舊京歌

橫戈入駿戰功收。夾舸雙龍水面游。紫蓋風雲

過沛上錦帆。烟月下揚州。

臥子曰景物雅稱

韓邦靖 再見

謾成

沙苑煙花近白樓。黃河清渭兩交流。牛羊落日

新丘壠。楊柳春風古渡頭。

楊慎 六見

轅文曰用修絕句得太白之逸

江陵舟中贈田李二子

落月寒沙夜未分。玉簫金管醉中聞。明朝回首
沅江路。愁聽清猿和白雲。

望中條山

征馬長鳴向北風。嶠關回首暮天東。太行過盡
中條出。一路青山白雪中。

巖

嵩 四見

傳 制遇雨紀事

向夕鳴鞘下建章。平明飛鞚出長楊。冠軍常侍
俱承寵。白馬金鞍從武皇。

西山雜詩

玉匣珠襦掩夜泉。世人那見鶴歸年。秋來十里
金山道。華表參差夕照前。

蔡

經

字半洲。候官人。正德中進士。

聞砧

月下誰家擣練聲。寒衣長繫玉關情。蕭條我亦
河西去。白草黃沙隔渭城。

蔡

羽

再見

春 鄉友送吳選部置酒神樂觀

春色無多，綠草齊。故鄉何處，白雲低。金明門外
牽衣晚，莫遣楊花襯馬蹄。

張時徹 五見

初秋詩

一聲漁唱海天秋，素練初飛白鷺洲。亦有芙蓉
自開落，何人解識漢宮愁。

臥子曰

新警

蘇

祐

四見

塞下曲

將軍營外月輪高，獵獵西風吹戰袍。簫篋無聲
河漢轉，霜華露氣滿弓刀。

韓文曰

新矯

陸

粲

字浚明，長洲人。嘉靖丙戌進士，尋庶
吉士，授給事中。屢劾權貴，凡兩下獄。
謫驛丞，以知縣終。

送汪僉事之湖南

驄馬長鳴飲碧流，花銀鏤帶鷓鴣裘。行人大別
山頭望，雲外雙旌下鄂州。

皇甫湜

六見

金陵絕句

長干已過落花辰。滿地楊花不見春。強折垂楊送歸客。勞勞亭畔共沾巾。

贈滁陽程逸人

安道攜琴初入吳。小山遙對白雲孤。梁溪盡處烟波闊。好逐秋風下五湖。

致子曰自是流逸

皇甫汈 三見

梅子舖題壁

月明清露下荒臺。木落空山更可哀。夜壑常留金碗在。春風曾識翠華來。

喬世寧 三見

擣衣

城上秋風木葉稀。城中思婦擣寒衣。相思更有殘機錦。願逐長安一鴈飛。

舒章曰粗協

胡 三見

涼州詞

落自黃河水倒流沙場旌旆風悠悠新降胡奴
不解語笛中吹出古涼州。

臥子曰似

李獻吉

轅文曰唐人演樂府為絕句其調有如此者

李攀龍

入見

臥子曰于鱗絕句詞甚練而若出自然意必渾而每多可思照應頓挫俱有法度未易至也

舒章曰于鱗二十八字中寫數十言所難盡者于鱗于此處每絕塵而上轅文曰七言絕刻意江寧而自出變化無論元美即何李亦為却步○又曰何

李絕句多隨筆而出于鱗每篇必作意所以獨上

塞上曲送元美

西出居庸大漠開胡塵遙暗白登臺愁看塞上
蕭條色落日秋風萬里來

轅文曰如在人意中而思之甚切

其二

白羽如霜出塞寒胡烽不斷接長安城頭一片
西山月多少征人馬上看

臥子曰不愧盛唐

送劉戶部督餉湖廣

洲邊處士題鸚鵡坡上公孫擁驢驢到日夏雲
生七澤愁時秋色滿三湘。

其二

馬上春風白接羅。花開應醉習家池。鹿門耆舊
何人在。今日襄陽異昔時。

韓文曰淡

致如許

其三

漢江春水竟陵東。江樹蒼蒼繞沛宮。父老只今
猶望幸。君主按劍顧雲中。

其四

錦帆南入楚雲重。江上遙看衡嶽峯。落日蒼茫
秋不斷。青天七十二芙蓉。

席上鼓飲歌送元美

碧天無盡白雲孤。到日扁舟落五湖。不見薊門
秋草色。愁心明月滿姑蘇。

韓文曰置之江寧

集中不復辨矣

送子相歸廣陵

皇明詩選 卷之十三
茂陵消渴臥詞臣。搖落秋風白髮新。漢主豈無金掌露。馬卿元是倦遊人。

其二

白雲無盡楚天寒。鴻鴈蕭蕭楓樹丹。楊子月明愁裏度。蕪城帶色夢中看。

其三

廣陵秋色雨中開。繫馬青楓江上臺。落日千帆低不度。驚濤一片雪山來。

舒章口寫
景雄出

懷明卿

豫章西望彩雲開。九派長江九疊山。高臥不須窺石鏡。秋風憔悴侍臣顏。

舒章日傷
心婉麗

春日聞明卿之京為寄

十載浮雲傍逐臣。歸來不改漢宮春。摩挲金馬宮門外。誰識當時諫獵人。

臥子曰感
慨情深

王中丞破胡遼陽凱飲

萬里橫行，大破胡沙場。西北漢軍孤，不因驃騎能深入。知有陰山瀚海無。

勞別子與

武林山對海門開，不枉登臨酒一杯。十載故人零落盡，有誰還為度江來。

韓文曰再三誦之始見有意

山中簡許郭

金牛谷裏樹蒼蒼，一入千峯但夕陽。浪跡莫愁難問訊，題詩多在朗公房。

寄元美

薊門城上月婆娑，玉笛誰為出塞歌。君自客中聽不得，秋風吹落小黃河。

其二

江南風雨夢扁舟，薊北烟花傍酒樓。無那故人搖落盡，教君何處不悲秋。

臥子曰薄而意出

其三

漁陽烽火暗西山，一片征鴻海上還。多少胡笳

皇明詩選 卷之十三
吹不轉秋風先入薊門

舒章曰何
滅龍標

重寄元美

十載交遊滿帝都。五陵年少避呼盧。只今惟有
張公子。匹馬時時過酒徒。

其二

南冠君子繫京華。秋色傷心廣柳車。此地由來
多俠客。不知誰是魯朱家。

其三

北斗闌干南斗低。啼鳥三匝鳳城棲。萬年枝上
秋風起。飛入中丞署裏啼。

舒章曰悲憤之情極其
沉隱蓋為弇州尊人也

哭子相

故園秋色廣陵間。閩海悠悠自不還。縱使蕪城
愁易老。那能長客武夷山。

其四

揚子江寒月影孤。秋風吹落射陽湖。故人欲灑
臨江淚。湖上明珠竟有無。

輓王中丞
主恩三遣護三邊
驃騎功名滅虜年
不謂漢軍能失利
猶堪起冢象祁連

其二

昨夜烽烟海上青
猶聞麾下取龍庭
一時雄劍無精彩
遙指燕山落將星

觀獵

胡鷹掣鏃北風迴
草盡平原使馬開
臂上角弓如却月
當場意氣射生來

韋文曰似王維

酬許右史九日小山見贈

十載銜杯望白雲
天涯此日歎離羣
重來秋色生雙鬢
更折茱萸插向君

臥子曰與醉把茱萸莫句真堪伯仲

寄元美

憑將白雪寫朱絲
總是人間此調悲
縱使霑裳君莫管
古來能得幾鍾期

韋文曰古今同感何代無賢

得徐使君所貽王敬美見贈答寄

博物張華不易逢。十年京洛少從容。當時未得
豐城劍。已識雲間陸士龍。

寄吳明卿

楚娃雙侍玉為顏。勸酒能歌雉子斑。醉後休論
宮不調。古來遷客幾人還。

送殷正甫內翰之京

君王賜宴柏梁臺。七字新詩漢體開。首倡自天
酬不得。曲終還賴歲星才。

轅文曰如此使事方妙

其二

詔遣詞臣集漢都。明年羽獵大誇胡。共憐執戟
人猶在。莫問長楊賦有無。

送右史之京

五雲西北望京華。玉帛年年出漢家。此去但承
明主問。不妨才子更長沙。

臥子曰真能感慨

其二

桃花美酒鳳凰樓。公子乘春作宦遊。寒食不知何處過。總無風雨亦堪愁。

其三

胡姬十五漢宮妝。夾道楊花撲酒香。處處紅樓堪繫馬。莫教春色斷君腸。

挽楊生

平生裘馬最翩翩。不惜黃金結少年。今日蕭條君不見。白楊秋色有誰憐。

贈

子與以服散臥病。因賦姬人怨服散詩戲

吳姬搗藥楚姬丸。獨夜深闈玉兔寒。更倚庭前雙桂樹。何人不作月中看。

舒章曰巧

而不卑

和聶儀部明妃曲

青海長雲萬里秋。琵琶一曲淚先流。六宮多少良家子。不到沙場不解愁。

其二

天山雪後北風寒。抱得琵琶馬上彈。曲罷不知

青海月徘徊猶作漢宮看。

韓文曰月妃曲得此方稱

寄謝茂秦

美人春望望陵臺。臺下漳河去不回。惟有舊時歌舞地。至今風雨自西來。

答右史秋懷見寄

河上秋風鴈影開。樽前明月夜還來。兔園一望渾如雪。人在梁王古吹臺。

其二

老去王門混酒徒。陳留賓客避呼盧。不知今日狂何似。曾入高陽會裏無。

臥子目悲蕩

寄送方山人歸歙州

河水悠悠鴈影長。長安回首淚成行。可憐三十年前客。明日扁舟是故鄉。

答贈沈孟學

海門中斷出吳關。北望江流九折還。一日故人攜酒處。白雲千載鳳凰山。

王世貞 入見 雜風風山

臥子曰元美七言絕不專盛唐然其能意到調成不傷其氣固是超詣

閨怨

聞道邊關樂事多。前庭蹋鞠後庭歌。不知刁斗聲中月。曾照流黃錦上梭。

小伊州

頻年轉戰未封侯。還逐高陽酒伴游。醉後祇今愁出塞。雙鬢又唱小伊州。

從軍行

躡臂歸來六博場。城中白羽募征羌。相逢試解吳鈎看。已是金河萬里霜。

臥子曰意能出新

轅文曰亦有江寧之風

甘泉歌

千尺通星井。幹樓玉盤天。酒夜來收白茅螭。捧黃金印五利明。朝欲拜侯。

轅文曰敘事。中即寄諷意。

止德宮詞

...

窄衫盤鳳稱身裁。玉靶雕弓月樣開。紅粉別依
回鶻隊。君王新自虎城來。

舒章曰氣
高於王建

燕京四時樂

薊門霜葉馬初肥。胡錦輕裝七寶圍。日暮金丸
彈不盡。紅塵一騎趁鷹歸。

臥子曰
俊快

別于鱗子與子相明卿

十年爲客問吳山。錦纜安流此日還。唯有故人

歌一闕。行雲不度似陽關。

送顧子行員外謫判太平

樓船疊鼓大江流。別駕新開南豫州。四郭春驕
羅綺色。向來僊客不知愁。

聞子相歸不能待寄之

桐栢江頭春鴈稀。故人聞向日邊歸。扁舟欲擊
遙相待。萬戶清霜夜搗衣。

轅文曰逸
處似太白

送表兄盧生南歸

送表兄盧生南歸

皇明詩選 卷之十三
大江南去水茫茫。到日秋風爲解裝。棲鳥漸閒人漸少。不知何處是家鄉。

韓文曰調入中
晚以絕句收之

飲歐陽鎮朔即事有贈

旌旗春偃白龍堆。教客休停鸚鵡杯。歌舞未殘飛騎出。月中生縛左賢來。

臥子曰律
態生動

謝榛 六見

塞上曲

暮雲黯澹壓邊樓。雪滿黃河凍不流。野燒連山

胡馬絕何人。月下唱涼州。

塞下曲

秋高沙漠斷鴻哀。大將旗翻風色來。落日半天

追虜騎。彎弓直過李陵臺。

韓文曰律
兒故態

漠北詞

大漠蕭蕭黑水流。胡兒七月換羊裘。駱駝背上吹蘆管。日暮長風動地秋。

其二
石頭敲火炙黃羊。胡女低歌勸酪漿。醉殺羣胡不知夜。鷓鴣兒嶺下月如霜。

其三

曉開氍毹帳。擁秋雲。虜將揮鞭部落分。牧馬陰山

莫南向。向鴈門。今有李將軍。

臥子曰三作俱壯渾有色

徐中行 五見

寄贈侍御潘子良督學畿中一首

蹀躞花驄走北平。鬱蔥佳氣傍神京。龍門復見

三千士。虎旅曾監十二營。

吳國倫 七見

紫霄峯

紫氣崢嶸碧漢斜。好憑飛杖立烟霞。臨風一夜

吹長笛。落盡江南楊柳花。

舒章曰臨風高嘯固有情態

飲飛雲洞

飛雲洞裏雲不飛。結作仙人九色衣。我來醉著

雲衣臥岩下，白龍行雨歸。

寄章日新
調迥出

聞張助甫擢御史中丞開府寧夏寄贈

青銅峽口古靈州，黑水河穿紫塞流。

吹笛過千山，明月總邊愁。

臥子曰
唐音

寄遠曲

章臺楊柳綠如雲，憶折南枝早贈君。
一夜東風人萬里，可憐飛絮已紛紛。

韓文曰餘
情繚繞

雨中寄王行甫

無錢沽酒日披書，雨後林亭四不如。
往歲同君垂釣處，一池新種武昌魚。

臥子曰即禹錫玄
都之意而此更渾

北園餞別黃行甫梅泰符醉成

落梅沾石錦成文，脩竹當軒翠拂雲。
痛飲不知誰是客，醉中攜手夢中分。

韓文曰情深于河
梁調流于大曆

宗 臣 六見

贈余德甫奉使兩浙

赤城霞起是天台。明月簫聲落早梅。昔日胡麻君莫問。桃花不放石門開。

臥子曰爲俗吏解嘲

夜月還明卿

處處青楓急暮砧。萬山秋色怨瑤琴。美人只隔湘江水。江上浮雲愁我心。過采石懷李白

采石磯頭坐白雲。歸來瑤草亂紛紛。夜深吹笛江亭上。明月窺人恐是君。

舒章曰風情幽邁

涇縣望桃花潭

桃花潭水近陵陽。潭上春風滿石梁。流水不隨仙客去。秦人何必渡三湘。

轅文曰鮮逸

劉 鳳 五見

和夜上受降城聞笛

北斗低垂掛戍樓。黃河不逐月西流。一聲長笛衝沙起，散作邊城萬里愁。

轅文曰：起二十句高勁結語，雖在人意中，亦是渾然。

張佳胤 四見

玄玄洞

桃花全似武陵溪。春鳥時從谷口啼。何處水聲吹不斷，玉龍雙挂洞門西。

轅文曰：似弇州。

宿太華山寺

石床橫架萬峯西。海上雙珠入戶低。自是山中無王漏，朝霞還有碧鷄啼。

舒章曰：近體喜有不盡之意，如夜珠來簾，漿寒等句，是也。此詩寂得之。

送劉主簿陞趙府

遮道頻將車馬停。渭城歌發柳青青。送君欲作巴山月，千里相隨過洞庭。

沈 鍊 再見

送朱子南還

十年辛苦在京華。夢裡何時不見家。一照若耶

溪畔月始知楊柳隔天涯

韓文曰青霞殊有情致

舒章曰青霞輕快不沉

俞允文再見

臥子曰仲蔚七言絕其調甚正

聞雞

月落空營舊壘低寒風獵獵大荒西
驚魂易斷江南夢惱殺重城未曉啼

塞上曲

蔥關雪淨月蕭蕭大將功成玉帳高
天馬不愁西極遠上林新種紫蒲萄

臥子曰詞近而意佳

其二

風高塞虜入龍堆大羽瑠弓象月開
一片黃雲秋磧裡遙看精騎射鵬來

搗衣

重關月色早涼分夜夜砧聲逐塞雲
淚盡天南與天北胡笳同是月中聞

許邦才

字殿卿，歷城人，嘉靖癸卯舉人，官至長史。

轅文曰：于鱗亟稱殿卿，其梁園集殊不稱絕句，差快意。

送高都護入賀

將軍白馬插彫弧，自傍屬車誇射鳥。陛下聖明三萬歲，微臣直至執金吾。

汴河守東

客館寒燈淚滿襟，間關萬里欲歸心。眼前一水冰霜苦，又說三江瘴癘深。

舒章口能以唐人之法，行目前意。

胡應麟

潞河舟中再別惟寅裕卿汝修絕句

一望巴陵楚嶠分，木蘭舟上雨紛紛。中流無限瀟湘色，日落君山起暮雲。

塞上曲

紫電花驄白玉鞭，遠從都護出居延。清秋不辨龍城色，一片黃雲瀚海前。

汪寬

字子敬，祁門人。

荆南別吳雙溪程汭溪入蜀

江上逢君又別君。驪歌一曲不堪聞。半帆秋色懸巴月。三峽猿聲隔楚雲。

韓文曰峭鍊 亦是佳調

于慎行 四見

漢宮少年行

錦帶珠袍綠臂鞬。相逢盡說富平侯。南山夜獵春城晚。繫馬新豐舊酒樓。

陳鶴 再見

池上陳老琵琶

夜深池上弄琵琶。萬里銀河月上沙。莫向尊前

彈出塞。只今邊將未還家。

臥子曰即張喬 一曲涼州之意

吹笛懷友

玉笛橫吹入夜分。中天華月度流雲。茗川兩岸春嵐起。飛盡梅花不見君。

韓文曰山人 亦見逸思

陸彥章

字伯達華亭人萬曆己丑進士官至南京刑部侍郎

歸次盧龍

帝城東抱海山重。迢遞單車出萬峰。秋色長風吹塞鴈。歸心落日下盧龍。

張以誠

字君一。青浦人。萬曆辛丑賜進士第一。官至左庶子。

贈蕭大將軍移鎮漁陽

鳴沙城北接雲中。千里飛狐一道通。十萬健兒齊上馬。旌旗獵獵動秋風。

宋懋澄

二見

送叔父出塞

斜倚征帆對酒歌。氣憑長鋏羽聲多。少年曾到

黃羊谷。白首重遊無定河。

舒章日壯

烈可懷

許景樊

再見

塞上曲

前軍吹角出轅門。雪撲紅旗凍不翻。雲暗磧西看候火。夜深遊騎獵平原。

李氏

朝鮮人。趙瓊妻。遭倭難不屈。

登樓

紅欄六曲壓銀河。瑞霧霏霏溫翠羅。明月不知

滄海暮九疑山下白雲多

臥子曰亦是温李然其調頗合

同郡夏完淳存古氏較



